


PUOGAE YA MOPHATO 2

Baesekele e ntšhwa ya ga Bakang



SETSWANA



Buka

1



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeleditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa
kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwé mo dibukeng tsa bona tsa dithutiso.


Baesekele e ntšhwa ya ga Bakang



Ditsala tsotlhe tsa ga Bakang
di ne di na le dibaesekelle.

Bakang o ne a eletsa go nna le
baesekelle le ena. O ne a bogela
ditsala tsa gagwe fa di ntse di
palama dibaesekelle tsa tsona
go ya kwa sekolong.

“Ijaa, ke eletsa o ka re ke
ka bo ke na le baesekelle,” ga
bua Bakang.



Morago, fa Bakang a nna
dingwaga di le 8, mmaagwe le
rraagwe ba ne ba mo
rekela baesekele e
khibidu ka letsatsi la
gagwe la botsalo.

Bakang o ne a
itumetse thata.
"Wena!" a goa ka
boitumelo. "Ga ke bolo
go batla baesekele. Jaanong
ke tlaa kcona go palama le
ditsala tsa me."





Bakang o ne a
itumetse thata. O ne
a tlolela mo godimo ga
baesekele ya gagwe e
ntšhwa, mme a wa fela
ka gangwe!

O ne a iteka gape,
mme a wela fa fatshe
gape le gape le gape.

Bakang o ne a sa itse
go palama baesekele.





Nnyaya tlhe! Ke ya
go dira eng jaanong!

O ne a kgarameletsa
baesekele ya gagwe mo
phaposiborobalong ya gagwe.
E ne ya ema fa thoko ga bolao
ba gagwe. Letsatsi lengwe le
lengwe o ne a e pholitšha gore
e nne e phatsima.

Bakang o ne a lebelela
baesekele. "Ke eletsa o ka re
nka e palama," a akanya. "Ke
tshwanetse go loga leano."




"Bakang, tlaya o palame le rona,"
ditsala tsa gagwe tsa mmitsa.


"Ke sa ntse ke pholitšha
baesekele ya me," ga bua
Bakang.

"Ke eng o sa tswela
kwa ntle wa ya go
palama le ditsala tsa
gago?" mmaagwe
Bakang a mmotsa.

"Ke sa ntse ke
baakanya hutara,"
ga bua Bakang.




Bakang ga a ka a bolelala ope ka
ga sephiri sa gagwe. O ne a sa
kgone go palama baesekele.



Bosigo bongwe le bongwe
Bakang o ne a tsena mo
tshingwaneng mme a leka go
palama baesekele ya gagwe
fa go ne go se ope yo o ka
mmonang.

Mme searamo Bakang o ne
a nna a tswelela go wela fa
fatshe, mme a nna le mesego
le mekgwaritso e mentsintsi.





Bosigo bongwe, tsala ya
gagwe Jane a bona Bakang
a ntse a leka go palama
baesekele ya gagwe.

"Bakang!" a bitsa. "Tlaya ke
go tshwarelele baesekele
gore o kgone go palama."



Jane o ne a mo
tshwarelela baesekele
mme a taboga fa morago
ga ga Bakang.

O ne a wela fa fatshe
gangwe, a wa gabedi,
mme morago a se ka a
tlhola a wa gape.

"Ke kgona go itshegetsa,
ke kgona go palama
baesekele!" ga goa
Bakang.





Bakang o ne a palamela ka
bonakwana le ka bonakwana.
Jane a taboga fa morago
ga gagwe.

Morago a palamela
kgakajana, Bantlhoile a
taboga fa thoko ga gagwe.

"Iyelelele!" ga goa Jane.
"Iyelelele!" ga goa Bakang
fa a ntse a palame mo
leseding la ngwedi.



Ke kgona go itshegetsa!
Ke kgona go palama!



Letsatsi le le latelang,
Bakang o ne a palama
baesekele le ditsala tsa
gagwe go ya kwa sekolong.
O ne a itumetse thata mme
a tswelela go leka.

Fa la ntlha o sa atlege, leka,
leka, leka, leka mme o leke
gape!



Ditirwana tsa puiso ya ditlhophha



1

Lebelela ditshwantsho. Tlotlela tsala ya gago:

- gore go diragala eng mo setshwantshong sengwe le sengwe.
- gore ke setshwantsho sefe se se tshwanetseng go nna sa ntsha, sa bobedi le sa boraro.
- gore ke setlhogo sefe se e leng sa setshwantsho sengwe le sengwe.



Bakang o ile kwa sekolong a palame baesekele ya gagwe.

Jane o thusitse Bakang go palama baesekele ya gagwe.

Batsadi ba ga Bakang ba mo reketse baesekele.



2

Buisetsa tsala ya gago dipolelo tse di latelang. Morago o tlhomaganye dipolelo go ya ka tatelano e e nepagetseng.

- a. Bakang o ile kwa sekolong ka baesekele ya gagwe.
- b. Bakang o ne a eletsa go nna le baesekele.
- c. Jane o thusitse Bakang go palama baesekele.
- d. Bakang o ne a sa itse go palama baesekele.
- e. Bakang o amogetse baesekele ka letsatsi la botsalo la gagwe.



3

Dirisa medumopuo go feleletsa
mafoko gore a nyalane le
ditshwantsho:

tlh-	d-	gw-	tl-	-b-	-jw-
__aga	__iten	se __ a __ a			
__eloko	di __ oloko	se __ alo			



4

Kopololela polelo ya bobedi go tswa
kwa go ya bofelo mo kgannyeng mo
bukeng ya gago ya dithutiso.



5

Jaanong bua ka ga kgang e.

- Go diragala eng mo matsenong?
- Go diragala eng mo mmeleng?
- Kgang e e khutla jang?



6

Araba dipotso tse di latelang:

- Naya setlhogo sa kgang.
- Baanelwabagolo ke bomang?
- Ke eng o akanya gore Bakang o nnile le diipato tse dintsi fa ditsala tsa gagwe di mmiletsa go palama baesekele le bona?
- Bakang o dirile leano lefe la go ithuta go palama baesekele?
- A o akanya gore Jane e ne e le tsala ya nnete? Ke goreng o rialo?
- Lefoko le lengwe le le rayang baesekele ke lefe?
- Ke potso efe e o batlang go e botsa morutabana wa gago ka ga kgang e?



7

Itseye gore o Bakang. Kwalela Jane karata ya 'Ke a leboga' gobo a go thusitse.

KE A LEBOGA



Dumela _____

Gotswago _____

PUOGAE YA MOPHATO 2



Buka 1

Leina kana setlhogo:	Baesekele e ntšhwa ya ga Bakang
Puo:	Setswana
Maemo:	Padiso ya Puogae ya Mophato 2 Maemo 3 Buka 1
Mofuta wa sekwalwa:	Kanelo
Mafoko a tlwaelo:	gantsi, tsamaya, thata, godimo, itse, mongwe, eng, morago
Tlotlofoko:	eletsa, botsalo, itumela, goa, tlhamalala, sephiri, mekgwaritso, tshegetsa, lesedi, ngwedi, mesego
Medumopuo:	tsw, th, ng, ph, ts, ie, oo, ou, ea, ai
Diteng, marel le bokgoni:	<ul style="list-style-type: none">▪ Tlhalosa ditshwantsho.▪ Tlhomaganya ditshwantsho ka tatelano e e nepagetseng.▪ Nyalanya setlhogo le ditshwantsho.▪ Tlhomaganya ditiragalo ka tatelano e e nepagetseng.▪ Dirisa medumopuo e e latelang go feleletsa mafoko: tl, ts, tsh, ng, tl.▪ Kopolola le go thala setshwantsho sa polelo ya bobedi go tswa kwa bofelong jwa kgang.▪ Tlotla kgang e e nang le matseno, mmele le bokhutlo.▪ Buisa o bo o arabe dipotso tsa tekatlhologanyo.▪ Kwala karata ya go leboga.

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekatlhaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2648-2



9 781431 526482



ISBN 978-1-4315-2648-2

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

**Dibuka tse dingwe tse di
mo šelofong ya Puogae ya
Mophato 2**



Sisi o iponela tsala e ntšhwa

Ke botshelo jwa ntšwa

**Pitse e tilodi e bone
methaladi jang?**

Jerry o rata go buisa



Bubu o a latlhega

**Ke seo ditsala di tshwanetseng
go nna sona**

Pidipidinyana e e maswe



**Baesekel e ntšhwa ya ga
Bakang**

**Diphologolo di ya kwa
lewatleng**

**Wendy Leruarua o boloka
botshelo**